

الرشاد

س ۱ ۱۳۰۰

والله يهدي من يشاء الى صراط مستقيم ديني ، علمي ، ادبي ، سياسي هفتة اق مجموعة اسلاميه در
اتبعون اهدكم سبيل الرشاد

صاحب و مدير مسئول : ح . اشرف اديب

حبله و دسیسه به مراجعت ایتمه قرار ویره رک برکون امیره ، میسیونر لر طرفدن (کابل) دارالاماره سنده یکی برکتیک آجیله جغتو و دمکتیده افغان چو قلرینک ایل و نهاری اوله رق مجنأ قید و قبول ایدیله جکلیری و بوسایده افغانستان نسل آیتسک تحصیل علم و هنر ایلیمه جکلیری هندستانده کی انکلیز والی عمومیس یازوب کوندرمش و امیرک مساعده سنی استحصاله مارت ایتمه چایشمشدر . امیر عبدالرحمن خان جواباً والی به عظیم تشکر لر ایدرک بو خصوصده کی حسن نیت و توجهندن امین اولدیغی و فقط افغانستان اهالیسک عصیت دینه و غلات اخلاقیه لرندن بحث ایدرک ، میسیونر لرک کابل کلرینک مناسب اولدیغی بین ایتمش و آنجق بونکرک قوه دن فعله چیقارلسنه کندیسی بالذات امارت نامنه تشبث ایتمه آماده ومهیا اولدیغی و بوامینه ک حصولی ایچون تخصیصی لازم کلان مبالغه طوغریدن طوغری به کندیسنه کوندرلسی لزومنی درمیان ایلدی اوزرینه انکلیز لرجه امیرک آلدانه جق برذات اولدیغی فکری حاصل اوله رق ، بردها بوکی لطیفه لر دن صرف نظر ایتمه قرار ویرمشدر . [استطراد] بوهفته بوقدرله اکتفا ایدرک ، ایلروژه محترم قارلره بومماکت حقنده معلومات مفصله ویره جکی وعد ایدرم .

ش.م.ت

فکالایب

انکلیز دوربینله آوروپانک کورونیشی

استوتفات

دایی تلغراف آجنته سی اوزون مقاله لرله آوروپانک حال حاضر سیاسینی ینه انکلیز ایسیکندن کچیره رک تقطیر ایدوب آوروپانک موقعی شوصوک کونلرده دها زیاده فالشیدیغی اثباته چالیشور . عثمانی وایتالیا محاربه سی هر نقدر موجب اندیشه بروقه ایهده آوروپانک موقعی تزلزه اوغراته جق خاصیه مالک دکدر . بلکه بوزلزله نک کوکی روسلرک ایکی طرفلی قوللاندقلمی پولتیقه نک آلتنده آرانمیدر . روسلر بر طرفدن ایتالیایی اتفاق مثلثدن آیرمق ، دیگر طرفدن چناق لمعه بوغازینک روس حرب کیلرینه کشاده ایدلمسی ایله شمالی آناطولیده دائرة نفوذلرینی توسیع ایتک آرزوسنده درلر . ایتالیایی اتفاق مثلثدن آیرمق آرزوسی طوغریدن طوغری به آلمانیا علمینده اولدیغی کی ، چناق قلعه بوغازندن حرب کیلرینی سربسته امرار ایدمیلریده یالکز آلمانیا نک معاونت سیاسیه و فعلیه سیله قابل در . بناء علیه روسلرک سیاستلرینی پک مجربکسز صورتده یورتمش اولمیری ، بالعموم قاریشیقلمک ویکدیگره عدم اعتماد ایله موجب وسوسه طالرک ایقاعنه سبب اولمشدر .

معافیه روسلرک محاربه حاضرده ایتالیایا منفعتی التزام ایتک

انکلتزه حکومتی افغانستان حکومتک کسب قوت ایتدیکنی کورنجه بوملته قارشو حرمتی آرتمش و آنلره هر درلو یاردم و معاونتده بولمقدن چکینامشدر . بر آره لق انکلیز قرایچه ی بولان متوفا (ویکتوریا) افغان امیرنی برای سیاحت وتزه (لوندزه) به دعوت ایتسی اوزرینه ، هر نه اسبابه مبنی ایه عبدالرحمن خان بیان معذرت ایدوب کندی کوچوک اوغلی (نصراه خان) ی بالوکاله انکلتزه به کوندرمشدر .

انکلیز لر حرمت فوق العاده ایله کنج افغان امیرنی هندستان حدودندن استقبال ایدوب ، خصوصی بر ترنله (بومبای) لیمانه ایصال واوراده بر انکلیز حرب کمسنه بالارکاب لوندزه به کوندرمشدر .

نصراه خان معیتله برابر انکلتزه به موصلت ایتدکن صکره ، قرایچه طرفندن احترامات معتاده ایله قبول اولوب حقنده امثالسر بر صورتده بذل عاطفت و انسایت اولمشدر . کنج شهراده لوندزه نک سیر و اکلتجه یرلرینی کورمکه یلتمیه رک ، انجق انکلیز دارالصناعه لرله ، مؤسسات علمیه و فنیه سنی زیارت ایلره رک اکتساب فیض وهره ایتدکن صکره افغانستانه عین مراسم مخصوصه ایله معاودت ایتمشدر .

انکلتزه قرایچه سی برکون انهای مصاحبته (نصراه خان) خطاباً : «انکلیز نشانلرندن هانکیسنی ایستر ایهک ، در حال ویرلمسی امر ایدرم» دیسی اوزرینه ، کنج برنس : «بز دعا جیلره الک زیاده الزم اولان شی سلاح وباردر ، انجق بونکله هندستانی هر درلودشمن تعرضندن محافظه وصیانت ایدمیلر» جوابی ویرمش و قرایچه دخی کندیلرینه ویربان تخصیصاتک تزید ایدم جکی وعد و انجاز ایتمشدر .

عبدالرحمن خان حضرتلرله انکلتزه حکومتی بیننده مودت و وفاق دائمی صورتده جاری اولمش و فقط بر آره لق کابلده کی انکلیز سفیرینک خشوتی اوزرینه تحوله اوغرامش و عقینده سفیرک کابلدن اخراجیله انکلیز لر قارشو اعلان حرب اولمشدر . بش آلتی هفته قدر دوام ایدن مضاربات و مصادمات نتیجه سنده مادی و معنوی خساراته دوچار اوله رق کندی حدلری طانیوب ، امیر ایله عقد مصالحه ایتمشدر . عبدالرحمن خان اوروپا مدینتی نامنه کندی مملکتی داخلده یالکز اوروپا صنایع و حرفتلرینی نشر و تعمیم ایدوب ، سائر آوروپانک عرف و عاداتنه اصلاً تقرب ایتامشدر . حتی اوروپا سیاحلرله انکلیز میسیونرلرینی قرق کوندن زیاده افغانستانده اقامت ایتمه مساعده ایتدیکنی انکلیز لر بالذات اعتراف و شکایت ایتمشر ایهده ، امیر مرحوم بوسوزلره حواله سمع اعتبار ایلمشدر .

شوراده اوفاق و تحف بر حکایه ی استطراد قیلندن نقل ایتکی و افغانستان امیر سابق مرحوم عبدالرحمن حقنده بر فکر مخصوص ویرمکی وجیهه دن عد ایدیورم . انکلیز لر بالدفعات عبدالرحمن خانی آلدانغه تصدی ایتمشر ایهده موفق اولما مشدر . بونک اوزرینه

طرفدارلغنه قارشو فرانسزلرك مجتنبانه و مترددانه حرکتی ، روسلرك پترسبورغ فرانسز سفیرینه قارشو عدم خوشنودیلرینی ابراز ایللرینی تولید ایلشدر .

آلمانلر اناطولیده سوریده و جزیره العربده کی موقع و وضعیتلرینی ترتیب و تنظیم ایتک زمانک تقرب ایتدیکنی تفکر ایله عثمانیلرک آرقه سندن روسلرله برلشمک املی کچ سنه هر نصلسه دوچار افشآت اوله رق حکمدن ساقط اولمش ایدیسده ، آلمانلرک باب عالییه قارشو طاقینمش اولدینی عثمانلی دوستلخی ماسکسی آرتق او زماندنبری یرتیلشم ایدی . بارون فون مارشالک استانبولی ترک ایدیشی ، آلمانلرک عثمانیلرله قارشو بشقه بر مسلک طاقینمق و آرتق باب عالییه رعایتی برطرف ایدره ک قورمش اولدقلری پروغراملرینی موقع اجرایه وضع ایلک ایچوند .

آلمانلر ایله روسلرك درسعادت سفیرلرینی کیر و چاگیرمه لری یکدیکیلرله هم فکر و هم منفعت اولدقلرینی ارائه ایتزمی ؟

ینه بوایکی دولت اقتصادی نقطه نظرندن ممالک عثمانیه نک بیلرندده تقسیم اولمسی ایچون انگلیزلرك دخی موافقتی استحصال ایدیه یلمک آرزوسیه ، چناق قلعه بوغازینک لزومسز و نتیجه سزیره طویه طوتلشنی و بناء علیه سدیینه عثمانیلرلی مجبور براقه رق بوسیه له انگلیز تجارتی اضرار ایله انگلیزلری عثمانیلر علیه چویرمک فکرینه استناداً یاپلش اولدیغنی کوسترمزمی ؟

بوندن ماعدا برلینده سفیر « غوشن » ک علیه اجرا اولسان تحریکات ، سفیر مشار الیه کیرویه چاگیرلمسی آلمان رجالی طرفندن آرزو اولندیغنی ایما ایتزمی ؟ عین زمانده روسلرك پترسبورغ فرانسز سفیری علیه ایدیلان پروتستو ایله اهمیتی ازدیاد ، فکریمه زه تقویت ویرمزمی ؟

ایشته انگلیز تلغراف آجنته سنک بالاده تقطیر ایلدیکی حال حاضر سیاسیدن آوروپا اوزرندده کثیف بلوط کتله لرینک سچولان ایتمکده اولدیغنی آکلاشیلیور . هوا ایستر بلوطلی ، ایستر آچیق اولسون . هر فورطنیه و هر بورایه مقاومت ایدیه یلمک کیمز ایچون عثمانلی سنجاغی آلتنده تحشداشم عناصرک اتحادیه برکتله حاله کیرمک کیمز لازمدر .

بوراده مکتب چوچقلرینک کتابلرنده کی اوفه جق بر حکایه یی خاطر لایمق ایستر ؛ حالت نزعه بولنان اختیار بر آدم وفاتنک تقرب ایتدیکنی آکلانجه طبیعت و فکرجه یکدیکیلرینک ضدی اولان اوچ اوغانی یتاغی باشنه چاغره رق یکدیکیلرینه مربوط اوچ دکنک پارچه سنی قیرمه لری امر ایدر . هر قدر اوچی ده اولانجه قوتلرینی صرف ایدرلر ایه ده بردرلو قیرمه موفق اوله مزلر . بعده اختیار پدر ، او اوچ دکنکی یکدیکیلرینه ربط ایدن باغلری چوزمک بو دفعه ده هر بریسنه برر دکنک ویرمک قیرمه لری امر ایدر . اوغللرینک هر بری کمال سهولته ویریلان دکنکلری قیرارلر . بونی کورن پدر ، اوغلرینه :

« کوریورسکیزکه حالت نزعه بولنیور وچوق کچمه دن وفات ایدیه حکم . بونکچون حیاتمه نصل برلکده امرار حیات وسعی وغیرته دوام ایدیورسه کز وفاتمن صکرده آیرلیوب شو مربوط اوچ دکنک کی ؛ یکدیکیلرله مربوط قالکیزکه سزی پریشان و بر باد ایتکه هیچ بر قوت مقتدر اوله ماسون . شاید یکدیکیلرکزدن آیریلور ، متفرق صورتده حرکت ایدیه ک اولور ایه کز همان هر ضعیف بیه سزی بردنبره محو و پریشان ایدیه یلور ... » دیه مکمل بر وصیتده بولور . بونکچون هر زده وهانکی بر شی اوزرینه اولور ایه اولسون اتفاق و اتحاد ایله حرکت هر حالده حسن نتیجه حاصل ایتدیکی کی ، هیچ بر شی ده بویه بر کتله یه قارشو بر مضرت ایراث ایدیه مز . استوفاترته آناطولی حصارلی

محمد خیرالدین

آمریقاده مسلمان دشمنلری

شمالی آمریقاده سان فراسیسکو شهرندن اسکدارلی علی انور افندی مناسرتده منتشر نیر - حقیقت غزته سنه یازیور :

آمریقاده یم ، اسلامیتک فیضلرینی بورادن داها ای کوریورم . سنه لردنبری آوروپاده ، آمریقاده دولاشیورم . فقط اتحاد اسلام منفعتلرینی بورالردن داها ای تقدیر ایدیورم . هم تدقیقم ، و هم بکا ملاقی اولان فکرلر اکلاتیورکه اتحاد اسلام پک موافق و مساعددر . عثمانلی - ایتالیامحاربه سی باشلادی . بو ، اسلامیه ، عثمانلیغه هجوم ایچون مکمل بر سلاح ، بر فرصت ا عثمانلیق ، اسلاملق علیه نه کفرلر ! .. افتالر ! .. آمریقاده « ویلیام رندولف هیرست » اسمنده غرضکار بر میلیون وار . بو حریفک نیورقده ، شیکاغوده ، بوستون ، فیلادلفیا ، سان فراسیسکو ، لوزانجلس ده اقره میر اسمنده داها بر چوق شهرلرده بر چوق غرته لری وار . ایشته بزم ایچون اک فنا یازان بو آدمدر . دیورکه : « ایتالیانلر طرابلسه خریستیانلق ، مدنیت کوتوریورلر ، ایتالیانلر قدس شریفی ده آلوب پاپایه هدیه ایدیه جکدر . عثمانیلرلی آوروپا خریطه سندن دکل ، عالم مدنیتدن سیله جکدر . » بو غزته هم توصیه ایلورکه : مدنی آمریقایلر سیاهلره ناصل معامله ایدیورسه محو ایدیه ک عثمانیلرله ده او یولده معامله لازمکیر . آمریقاده سیاهلر انسان دکدر . اولر ایچون قانون آیری در . بریاض قادین ایله بر سیاه ارکک اوله نه مز . اگر براوله نمک واقع اولور ایه سه او سیاه ارکک چایر ، چایر یاقیلدیغنی واقعدر .

بن ایسترم که بویه مسلمان دشمنی غزته لرك نشریاتی ترجمه ایدیه لرك تورکجه ، عربجه ، والحاصل بوتون اسلام غزته لرنده نشر ایدلسون . مسلمانلک اونلره قارشو عداوتی قات قات زیاده لشسون ! هیچ متعصب اولمایان و آوروپا ، آمریقانک انواع حیاتنده سوروشمش اولان بن کندیمه ، نفسمه باقیه رق ایشته بویه ایستیورم . و هر زمان بویه ایسته یه جکم .